

ZUDI 'LETRE 'LA □KPA ZESU 'YI MU 'E NI Zudi a 'letre 'e ngblo

Zudi 'pegee Zaki -yaa -kooa' Meezan Zesu Kri
'nwagwlen- mu 'le (Matie 13.55; Maki 6.3). -E
'letre 'lee- □kpa Zesu 'yi mu -ledo' 'la ni 'waa
'bhe do. 'Dun- 'wa 'yaango- 'bhii- -ya □kpa -kooa'
Meezan Zesu a winbowo mu 'e -o Zesu -za 'e
zibwa- mee mu 'la 'plen- 'mu -la ni. -E -jan yeke-
'la □woa 'letre 'lee- 'yi 'bhe 'pwele- -o 'ke Pieri -jan
yeke- 'la □woa 'bhe a 'letre ple mi 'e 'yi 'bhe- 'le
(2 Pieri 2). -A -yi jan 'e 'bhe -le doo bhla ma mee
daan mu 'ke mu -yaa ge Zesu 'yi mu 'e 'plen- -o
'sie zayi' -waa' bhla ma mee daangbeya mu 'e 'le.
'Bhe mee mu 'e 'taawogbeya 'e ma, 'bhe- Zudi
'letre 'lee- □dia 'woo- Zesu 'yi mu -le mu 'e ni 'kaa
-o do 'egloole -waa' 'kpaleya 'e 'yi, 'bhe- -o 'bhe
'kpaleya 'e ta gwledan.

¹ 'Mi 'la 'mi -o Zesu Kri a yewone 'le, 'bhe
'pegee 'ke 'n 'yoo- Zaki neene- 'le bhe, 'mi -le
'letre 'lee- de 'zi. -Koo' De -Waanbhaa' 'ka mu 'la
'siila-, 'bhe 'pegee 'ka mu 'la -za so a ni, 'bhe-
-ya -yrekpa' 'ka mu 'la ba Zesu Kri 'sroyi, 'mi -le
'letre 'lee- 'kpa zii' 'ka mu ni.

² Bhaa 'ka 'yrenkla- -Waanbhaa' ma 'egbenele,
'bhe- bhaa -yaa' yilabla 'pegee -yaa' 'soniya 'e 'pa
'ka ta 'ebebele.

Bhla ma mee daan mu

³ 'N̄ 'yienii mu, -a -lɾɔ -gbɛnɛ 'gbu 'yaa- 'ŋ ma dɔɔ 'ŋ 'lɛɾɛ 'kpa 'ka ni 'mi 'pegee 'ka mu a pɛ gole -za 'yi 'ɛ ba zayi'. 'Mi 'a ɔya 'bhii- 'yee- 'lɛɾɛ 'lɛɛ- dɛlɛ 'ɛ ɔwlaa 'ŋ zi 'ke 'an kpa ni, 'kooko- 'ŋ zruwla 'ka 'kpee, 'bhɛɛ- -Waanbhaa' 'kpaleya 'la ɔnaa mɛɛ 'la zan mu 'kɾɛn -o 'ke -yaa' pɛ 'le 'mu ni, 'mu 'bhɛ tagwledan. -E 'bhɛ 'kpaleya 'ɛ ɔnaa 'mu ni -lɛyan' do 'kɾɔ.

⁴ Wlan 'ɛ ni, mɛɛ 'la zan mu laa gbalaan -Waanbhaa' -lɛɛ, 'mu 'ke mu -wlaa 'ka 'plɛŋ-gaanyi'. Waa mɛɛ daangbɛya 'ɛ ma, -Waanbhaa' -ligbɛya 'ɛ mɛɛ ma -o 'bhɛ maniina 'zi. 'Bhɛɛ- -kɔɔa' -Kunlii do 'kɾɔ 'ɛ 'pegee -kɔɔa' Mɛɛzan do 'kɾɔ 'la 'bhɛ -o 'ke Zesu Krisi 'le bhɛ, -woo -bango' zii 'bhɛ 'yi. 'Bhɛ klɛgbɛya 'ɛ gbɛɛn- bhɛ, 'kiti 'la nu -o 'kunlɛ-, 'bhɛ -za 'ɛ yɔɔndɛle -o -Waanbhaa' a 'Sɛwɛ 'ɛ 'yi 'elwale gban -sɔ.

⁵ 'N̄ 'yoo- -a zi 'bhii- 'ŋ -za 'lɛɛ- dɔ 'ka 'kpee, 'ali- 'ke 'ka 'bhɛ -za 'ɛ 'kɾɛn dɔ, 'yele- -gɛ dɔɔ: Mɛɛzan -Waanbhaa' Izraɛli mu 'ɛ -gwa luya 'yi Ezipu 'klɛɛn 'ɛ 'yi -gloɔn do 'kɾɔ, 'duŋ- boolazi, mɛɛ 'la zan mu laa -o 'kpale- -a -yi, 'mu 'kɾɛn ɔkla 'ke gapɛ 'le.

⁶ 'Bhɛɛ- -za 'lɛɛ- 'bhɛ 'laa gole 'ka 'kpee 'ezin-, 'bhɛ -le dɔɔ: -gloɔya' 'la 'yaa- -mlɛkɛ' 'ke mu 'kɔɔ, 'bhɛ 'laa -o -yibhɔlɛ, 'duŋ- -o -gwa -o 'gbu yaayɛ 'ɛ ɔnɔɔ. -Ayile -Waanbhaa' -o -yrela 'ke piibhɛ kpɛlɛ- mu 'le yikɾɛnsɛɛ ta. 'Bhɛɛ- -yoo ɔbwa -kaso 'yi -gblo -gbɛnɛ 'ɛ 'yi, 'bhɛɛ- -o nu bolɛ 'bhɛ 'yi 'ke 'bhɛ ge 'tɛnlɛ- 'kitikan yi -gbɛnɛ 'ɛ ma.

⁷ 'Bhɛɛ- -za 'la ɔkla Sodomu 'pegee Gomɔɔ, 'bhɛɛ- -o kpɛ ma -wa mu 'ɛ ni, 'bhɛ -za 'ɛ dɔ 'ka 'kpee. 'Bhɛ -wa mu 'ɛ ta mu 'ɛ ɔkla -kala' 'le

-Waanbhaa' ma 'bhii- 'woo- -mlɛkɛ' mu 'ɛ gbɛɛn-
-o bole -yaa -yanbhooya dɛle ma, 'bhɛɛ- -waa
'gwlaan- mu 'yaa- yilaa' 'eke- 'le. -O ɔ̄bwa 'bhɛɛ-
klele ma 'ke -Waanbhaa' a 'tɛ 'la yaa lii -titi 'bhɛ
baale' -o ta 'bhii- -o 'krowopɛ 'le. -O 'krowole 'ɛ
ɔ̄kla -koo' mu 'kpeelekan -toomasie 'le.

⁸ 'Bhɛɛ- mɛɛ -yoo' mu 'la ɔ̄wlaa 'ka 'plɛŋ- bhe,
Sodomu 'pegee Gomoo ta mu 'ɛ -o -za 'yoo-
mu 'la ɔ̄kla, 'woo- mɛɛ -yoo' mu 'ɛ -o 'bhɛɛ-
'yansi ma -za -yoo' mu klɛ 'zi 'ezin-. -Waa' bhla
ma 'kpeejan- mu 'ɛ 'mu 'a klɛ 'bhɛɛ- -woo 'gbu
'fle 'ɛ 'trindɔ-. 'Bhɛɛ- -o Mɛɛzan -Waanbhaa' a
'toholeya 'ɛ mavɛɛ, 'bhɛ 'pegee -o -Waanbhaa' a
-mlɛkɛ' 'tohole mu 'ɛ -zwanwo'.

⁹ 'Dun- 'ali- Miseli 'la 'bhɛ -o 'ke -mlɛkɛ' mu a
-kunlii gbalaan -gbɛɛɛ 'ɛ 'le, 'bhɛ 'laa 'bhɛ 'yansi za
kleɛ. -O 'pegee -Setran' 'yaa- zaabo 'zi 'waati 'la
ba Moizi gbaa 'ɛ ta, yaa dɔle -a -la 'kee- -Setran'
-zwanwo'. -Ya ɔ̄pia 'bhɛ ni droon' dɔo: «*Bhaa
Mɛɛzan 'e 'krowo!*»

¹⁰ 'Dun- 'woo- mɛɛ -yoo' mu 'ɛ waa pɛ 'la dɔ,
-o 'bhɛɛ- -zwanwo'. -Woo 'bhii- wi gbɛɛn-, -o
'yikanle laa -o, 'bhɛɛ- -za 'la dɔ -o ŋgblo 'yi, -o
'bhɛ -la klɛ 'te. 'Bhɛ klɛgbɛya 'ɛ gbɛɛn- bhe, 'bhɛ
klɛ -o 'gbu 'nipe- 'le.

¹¹ 'Ka ta -yren! -O Kaɛn a pɛ 'taawogbɛya
-yoo' 'ɛ 'bhɛɛ- ɔ̄sia. -Goli' 'flen 'ɛ ma, -woo
'gbu 'yinia ɔ̄ 'bhii- Balaamu gbɛɛn-. 'Bhɛɛ- -o nu
gale 'bhii- Kore gbɛɛn-, -amasroyi -woo -wlen 'zi
-Waanbhaa' ma 'bhii- Kore 'wlenna- *Moizi ma
gɔnɛ- 'la gbɛɛn-.*

* **1:11 11** -Noole' 'sewe 16.1-5; 22.7-35. -Ka 'bhɛ 'yi -glin 'ezin
Ebre mu 11.4

12 'Ke 'ka -o 'kaa- Zesu 'yi n̄ɛnɛya pɛ 'ɛ 'bhle zii' 'waati 'la ba, 'woo- m̄ɛ mu 'l̄ɛ-, -o k̄lɛgbeya -yɔɔ' mu 'ɛ k̄lɛ 'kaa- pɛbhle 'ɛ 'siɛpɛ- 'le. -Woo -taakpa' pɛbhlele 'pegee -w̄ɛn 'mile- zi 'kee- kan -a -dan' ta. -O bo 'o 'gbu do -kplɛn -la -nrayiza k̄lele ma -waa' pɛbhle bhla 'ɛ zi, 'bh̄ɛɛ- -yrala' laa dɔ -o ma. -Woo 'bhii- la 'la 'kee- -tilaa', 'bh̄ɛɛ- yaa ban, 'duŋ- -a 'kpen kan 'ke -ploɔ 'le. 'Bh̄ɛɛ- -woo 'ezin- 'bhii- -yri diiŋ mu 'la waa -o bhaa k̄lɛ -yri mu bhaa k̄lɛ bhla zi, 'bh̄ɛɛ- -woo 'bhii- -o -yri diiŋ mu 'la 'yrola-, -o -gaa, 'bh̄ɛɛ- -o □k̄la -o -kpaa 'le 'fɛŋfɛŋ.

13 -O -waa' -yraladɔ maza mu 'ɛ zen yrekpɛn- □nɔɔ 'bhii- w̄ɛyi- 'pɔɔ mu 'la 'ke -woo -yiwlaa, 'bh̄ɛɛ- -o wian gɔnɛ- 'la gb̄ɛn- w̄ɛyi- bhon' 'ɛ ta. -Woo 'bhii- ml̄ɛklɛn- mu 'la -woo 'kaan zii' 'bh̄ɛɛ- waa -o geyrɛ dɔ. -Waanbhaa' yrɛ do -twa -o -l̄ɛɛ -gblo -gbɛnɛ do 'yi, 'bh̄ɛɛ- -o nu bolɛ 'bh̄ɛɛ- □nɔɔ 'tanjii.

14 'Bh̄ɛɛ- Enoki, -kɔɔ' -gbɔɔ 'srwaplɛ- mi 'ɛ 'keesan Adamu ma, 'bh̄ɛ -Waanbhaa' -l̄ɛla janwoa- 'elwale gban -sɔ 'wola- ba zayi' dɔɔ: «-Ka 'ka 'trɔnbado doo, M̄ɛzan 'pegee -yaa' -ml̄ɛkɛ' 'wɛŋ 'saa 'ɛ, -woo zan nule,

15 'trɛ ta m̄ɛ mu 'ɛ 'kpen 'kitikanlɛ. -E nu -kpan baalɛ -za 'yɔɔ- k̄lɛ mu 'kpen ta -amasrɔyi -o 'wlenna 'yee- M̄ɛzan -Waanbhaa' ma -o k̄lɛza -yɔɔ' mu 'ɛ 'pegee waa -gasi 'la kpa -a -l̄ɛɛ, 'bh̄ɛɛ- -wa -zwanlawo 'mu 'kpen -zayi'.»

16 'Woo- m̄ɛɛ -yɔɔ' mu 'l̄ɛɛ- -o zru laa kpalaa', 'bh̄ɛɛ- -woo -la ma janwo 'tanjii. -O 'taawo- -o 'gbu 'yrebhɔ pɛ -yɔɔ' mu -la zi. -O 'waso ma jan -gbɛnɛ -gbɛnɛ mu wo, 'bh̄ɛɛ- -o -dawli' kpa m̄ɛɛ mu gbɛ

ta 'mu 'koope- mu 'sroowo zayi'.

Zesu 'yi mu 'kpeelekan za mu

¹⁷ 'Duŋ- 'ka mu 'ŋ 'yiɛnii mu, -kooa' Mɛɛzan Zesu Kriɛ a *winboowo mu 'ɛ -o -jan mu 'la 'woa- 'elwale gban 'mu -za do 'ka 'kpee.

¹⁸ -Wa ɔpia 'ka ni doo: «'Drunyaan 'yan bhla 'ɛ zi, mɛɛ 'ke mu nu -Waanbhaa -a 'toŋ mu 'ɛ malrogoɛ, 'bhɛɛ- -o nu 'taawole -o 'gbu 'yrebho pe -yoo' mu -la zi.»

¹⁹ Lii 'Weŋ 'laa -o 'woo- mɛɛ -yoo' mu 'ɛ 'yi, 'bhɛɛ- -o 'taawo- -o 'gbu a bhaapɛŋ zru maza -la ta, 'bhɛɛ- -woo Zesu 'yi mu 'ɛ -yiciɛn' mu 'le.

²⁰ 'Duŋ- 'ka mu 'ŋ 'yiɛnii mu, -ka faŋgandɔ 'ka 'gbu ta, 'ke 'ka 'ka 'kpaleya 'weŋ 'ɛ Kriɛ 'yi 'bhɛ baan' kla 'bhɛ ba. -Ka 'ka 'seriwo Lii 'Weŋ a -glooya' 'ɛ 'le.

²¹ 'Bhɛɛ- -ka bo -Waanbhaa' a 'soniya 'ɛ 'yi. 'Bhɛɛ- -ka -kooa' Mɛɛzan Zesu Kriɛ a mɛɛ -yrenklale zɔn 'waati 'ɛ magben. 'Ke 'bhɛ 'waati 'ɛ ɔbhwa, -e nu a zɔnɛ 'ka ni 'bhii- bole -yre ma -si 'la -daŋ' 'laa -o 'bhɛ ma 'bhɛ -o 'ka 'koo.

²² Mɛɛ 'la zan mu -o 'kpee kle ple -za ma, 'mu 'yrenkla 'ka ma.

²³ 'Ezin-, -ka mɛɛ 'ke mu go -za 'yi -o 'gbu a bhaapɛŋ zru 'ɛ 'bhɛɛ- ta 'ke 'ka 'mu go 'kiti 'te 'ɛ 'yi. -A 'ke mu -yrenkla' 'ka ma -Waanbhaa' -lɛɛgblaan 'le 'ka mu 'gbu zru ba. 'Duŋ- -ka 'ka 'yreka 'ka 'gbu ba, 'bhɛɛ- 'ka 'laa 'ka 'mabɛɛnɛ 'woo- mɛɛ -yoo' mu 'ɛ -din, 'kooko- 'ka 'laa nu -o 'kleza -yoo' mu 'ɛ 'sile- 'bhii- ga -yoo' 'e 'yivlin- mɛɛ mu ma goɛ- 'la gbɛɛn-.

-Waanbhaa' 'to magbaandɛle

²⁴ 'Seŋ -o -Waanbhaa' ni 'ke -ya -yɾɛkpa' 'ka ba, 'kooko- 'ka 'laa bɔ -za 'yɔɔ- 'yi. 'Bhɛɛ- -e sɔ 'ka dulale -yaa' 'tɔbhɔleya 'ɛ 'lɛɛ 'ke -za 'yɔɔ- 'trinle-sanɛ- 'laa klɛ 'ka zru mu 'ɛ 'yi, 'ka 'zrukpaale -gbɛnɛ 'le.

²⁵ Bhaa 'tɔbhɔleya oo, gblaanya oo, -glɔɔya' oo, 'bhɛ 'pegee fangan- bo -kɔɔ' 'Bhee Mi -Waanbhaa' do -kplɛn 'kpɔ ni, -kɔɔa' Mɛɛzan Zesu Krisi 'srɔyi -zɔn 'pegee yikpɛnsee ta! Amiina!

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da